

Nym der gemelten Catwergen eins Ducaten schwer /  
fur ein betagtes odder gewachssens mensch / oder nym  
der Catwergen nur eins Keinschen guldens schwer vn  
gefehrlich / dieselbige Catwerg soltu zerschneiden / zer  
drücken vnd zertreiben / damit sie gantz klein werde vnd  
zertriben sey / vnd thu darnach den sachen also.

Item / kömpt den menschen die Pestilentz mit einer  
Felte an / so gib yhm die vorgemelten Catwergen ein yn  
weissen wein / vnd das des weins sey ein ey odder ein  
halbs vol vngefehrlich / das sol der mensch austrin  
cken mit der Catwergen. Item / kömpt yhn aber die  
Kranckheit mit einer hitze an / so gib yhm die Catwer  
gen ein zu trincken / mit wegrat wasser / magstu aber  
das nicht haben / so nym halb essig vnd halb frisch  
bronwasser / misch das vntereinander / vnd gib yhm  
die Catwergen darynne zu trincken. Der Krancke men  
sch sol sich darauff niderlegen ynn ein bett / vnd fast  
warm zudecken / bis das er schwitze / vnd sol ligend  
bleiben vnd schwitzen drey odder funff stunden lang /  
so lang das ers leiden mag / vnd yhe lenger er ligt vnd  
schwitzt / yhe besser es ist / denn die Kranckheit vnd gift  
der Pestilentz / gehet ym schwitzen weg / so bald einer  
so lang schwitzet / so ist er genesen. Item / der Kran  
cke mensch sol aber die Catwergen nemen vor der ze  
henden odder zwelfften stunde / als er Kranck ist wor  
den / ehe yhm die gift zum hertzen kömpt / denn wel  
cher die Catwergen erst nemen wölt / so er die Kranck  
heit bey funffzehen odder zwentzig odder mehr stunden  
gehabt hette / were zubesorgen / die gift were zum her  
tzen gessen / vnd die Catwergen vnd das schwitzen  
würde yhn nicht viel helffen mügen.

So der Kranck mensch schwitzet / sol man sich hü  
ten fur dan dampff vnd seinem athem / dester weiter  
von yhm